

Ո Ր Ո Շ ՈՒ Մ
ԱՐԳԵԼԱԴՐՎԱԾ ԳՈՒՅՔԸ ՀԱՐԿԱԴԻՐ ԷԼԵԿՏՐՈՆԱՅԻՆ ԱՃՈՒՐԴՈՎ ԻՐԱՑՆԵԼՈՒ ՄԱՍԻՆ

19. Սեպտեմբերի. 2018թ.

ք. Արթիկ

Հարկադիր կատարումն ապահովող ծառայության Շիրակի մարզային բաժնի Արթիկի բաժանմունքի հարկադիր կատարող, արդարադատության կապիտան Արմեն Հովհաննիսյանս քննության առնելով 17.07.2018թ-ին վերսկսված թիվ 02221583 և 14.10.2017թ-ին վերսկսված թիվ 02660548 կատարողական վարույթի նյութերը՝

Պ Ա Ր Զ Ե Ց Ի

Թիվ 02221583 կատարողական վարույթով՝ ՀՀ Վարչական դատարանի կողմից 26.07.2016թ-ին տրված թիվ ՎԴ/5220/05/15 հատարողական թերթի համաձայն պետք է Արտաշես Ալեքսանյանից հոգուտ ՀՀ կառավարությանն առընթեր պետական եկամուտների կոմիտի բռնագանձել 537.680 ՀՀ դրամ՝ որպես ՀՀ ֆինանսների նախարարության Բազրատաշենի մաքսակետի պետի տեղակալի 01.06.2015 թվականի թիվ 33/47 որոշմամբ առաջադրված տուգանք.

պարտավորեցնել Արտաշես Ալեքսանյանին կատարել Մաքսային միության օրենսգրքի 285-րդ և 289-րդ հոդվածներով նախատեսված պարտավորությունը, այն է՝ 05.03.2014 թվականի թիվ F-13792 բեռնամաքսային հայտարարագրով ՀՀ ներմուծված 'FORD TRANZIT' մակնիշի, '29RT999' պետհամարանիշի ավտոմեքենան վերահայտարարագրել 'վերաներմուծում' կամ 'արտահանում' մաքսային ընթացակարգով.

Արտաշես Ալեքսանյանից հոգուտ ՀՀ կառավարությանն առընթեր պետական եկամուտների կոմիտի բռնագանձել 14.754 ՀՀ դրամ՝ որպես նախապես վճարված պետական տուրքի փոխհատուցում:

Համաձայն շարադրվածի՝ Արտաշես Ալեքսանյանից պետք է բռնագանձել նաև 27.622 դրամ՝ որպես կատարողական գործողությունների կատարման ծախսերի գումար:

Թիվ 02660548 կատարողական վարույթով՝ ՀՀ Շիրակի մարզի ընդհանուր իրավասության դատարանի կողմից 19.09.2017թ-ին տրված թիվ ՇԴ/3817/02/16 կատարողական թերթի համաձայն պետք է Արտաշես Հայկի Ալեքսանյանից, Անաս Ղարիբյանից և Սիրեկան Ղևոնդի Պողոսյանից հոգուտ «Ակբա-Կրեդիտ Ագրիկոլ Բանկ» ՓԲ ընկերության համապարտության կարգով բռնագանձել 4,845 /չորս հազար ութ հարյուր քառասունհինգ/ ԱՄՆ դոլարին համարժեք ՀՀ դրամ պարտքի, ինչպես նաև նախապես վճարված 45,991 /քառասունհինգ հազար ինը հարյուր ինսունմեկ/ ՀՀ դրամ պետական տուրքի գումարները:

Միաժամանակ սկսած 19.08.2016թ. մինչև պարտավորության փաստացի կատարման օրը, չվճարված գումարի մնացորդի՝ 2400 ԱՄՆ դոլարին համարժեք ՀՀ դրամի և կուտակված տոկոսագումարի հանրագումարի վրա հաշվարկել և պատասխանողներից բռնագանձել վարկային պայմանագրով նախատեսված օրական 0.2 տոկոս տուժանքը, որի նկատմամբ հաշվարկել և հոգուտ Հայաստանի Հանրապետության պետական բյուջեի պատասխանողներից համապարտության կարգով բռնագանձել 2%-ի չափով պետական տուրքի գումար:

Համաձայն շարադրվածի՝ Արտաշես Հայկի Ալեքսանյանից, Անաս Ղարիբյանից և Սիրեկան Ղևոնդի Պողոսյանից անհրաժեշտ է համապարտության կարգով բռնագանձել նաև 118.657 դրամ՝ որպես կատարողական գործողությունների կատարման ծախսերի գումար:

Իրականացված կատարողական գործողությունների արդյունքում Արտաշես Հայկի Ալեքսանյանին պատկանող, ՀՀ Շիրակի մարզի Արևշատ համայնքում գտնվող երկու միավոր վարելահողերի նկատմամբ նշանակվել է ապրանքագիտական փորձաքննություն:



17.07.2018թ-ին Հարկադիր կատարումն ապահովող ծառայության Շիրակի մարզային բաժնի Արթիկի բաժանմունք է մուտքագրվել նշանակված փորձաքննության արդյունքներով <<Օլիվեր Գրուպ>> ՍՊԸ-ի գնահատման հաշվետվությունը: Կատարողական թերթի պահանջի կատարումն ապահովելու նպատակով անհրաժեշտ է գնահատված գույքը ներկայացնել հարկադիր էլեկտրոնային աճուրդի:

Վերոգրյալի հիման վրա և ղեկավարվելով “Դատական ակտերի հարկադիր կատարման մասին” ՀՀ օրենքի 28 և 43, ինչպես նաև “Հրապարակային սակարկությունների մասին” ՀՀ օրենքի 35.1 - 35.4 հոդվածների պահանջներով՝

Ո Ր Ո Շ Ե Ց Ի

Պարտապան Արտաշես Հայկի Ալեքսանյանին պատկանող երկու միավոր վարելահողերը ներկայացնել հարկադիր էլեկտրոնային աճուրդի հետևյալ գներով

ՀՀ	Գույքի անվանումը	Գտնվելու վայրը	Չափը / հա /	Կադաստրային ծածկագիր	Գնահատման գինը	Մեկնարկային գինը
1	Վարելահող	Շիրակի մարզ, գյուղ Արևշատ	0,30 հա	08-021	474.000 դրամ	355.500 դրամ
1	Վարելահող	Շիրակի մարզ, գյուղ Արևշատ	0,20 հա	08-021	260.000 դրամ	195.000 դրամ

Հարկադիր էլեկտրոնային աճուրդը իրականացնել էլեկտրոնային համակարգի կիրառմամբ՝ Հարկադիր կատարման ծառայության աճուրդի էլեկտրոնային կայքի՝ www.achurd.harkadir.am միջոցով:

Հարկադիր էլեկտրոնային աճուրդի սկիզբը՝ „19,, նոյեմբերի 2018թ-ին:

Ծ Ա Ն Ո Թ ՈՒ Թ Յ ՈՒ Ն

Յուրաքանչյուր լոտի հարկադիր էլեկտրոնային աճուրդի ավարտի հաշվարկման ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը:

Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարելու հիմքերով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լոտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լոտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

„Հրապարակային սակարկությունների մասին” ՀՀ օրենքի 35.4 հոդվածի 4-րդ և 5-րդ և 6-րդ մասերի համաձայն՝ երկրորդ և յուրաքանչյուր աճուրդից հետո, լոտը / գույքը / չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունելու այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել ՀՀ հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը / լոտը / պահանջատիրոջը հանձնվում է վերջինիս

կողմից կատարողական գործողությունների կատարման ծախսերը վճարելուց, իսկ գույքի / լուտի / հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո:


2/ Որոշման օրինակն ուղարկել կողմերին:

3/ Որոշումը կարող է բողոքարկվել ՀՀ վարչական դատարան կամ վերադատության կարգով՝ այն ստանալու օրվանից 10 օրվա ընթացքում:

4/ «Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով նախատեսված դեպքերի:

ՀԱՐԿԱԴԻՐ ԿԱՏԱՐՈՂ,

ԱՐԴԱՐԱԴԱՏՈՒԹՅԱՆ ԿԱԴԻՏԱՆ՝



Ա. ՀՈՎՀԱՆՆԻՍՅԱՆ